



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

IS GIÒVANOS QUARTESI UNIDOS CONTRA SA PENA DE MORTE, A AMPARU DE IS DERETOS TZIVILES

S'aficu tzìvicu de is pitzocos de is iscolas mèdias e de sa comunidade tzitadina contra sa pena de morte est istadu espressadu custu mengianu cun una sèrie de eventos organizados in occasione de sa 'Die Mundiale de is Tzitades pro sa Vita, Tzitade contra sa Pena de Morte', fintzas a pustis de s'adesione de Quartu a sa Rete de is Tzitades pro sa Vita promòvida dae sa comunidade de Santu Egidio.

Sa manifestatzione at tentu s'epitzentru suo in s'Ex Cunventu de is Cappuccinos, isparghendidde dae cue in is iscolas e in is crèsias, pro arribbare a totu sa tzitadinàntzia. Una delegatzione de pitzocos at difatis giutu su contributu pròpiu a s'addòbiu aendiddu tentu custu mendianu in sa Sala Afriskas de s'istòricu edifitziu de su tzentru tzitade, a sa presèntzia de s'Assessora a su Pùblicu Annestru Cinzia Carta, de s'Assessora a is Territòrios Urbanos Tiziana Cogoni, de sa Presidente de su Cussìgiu comunale Rita Murgioni, de s'intrea de sa Cummissione Pùblica e Annestru e Cultura, ghiadas dae sa Presidente Ketty Giua e de sa Vizepresidente Laura Perra. A s'eventu at in prus partetzipadu s'abogadu penalista Aldo Luchi, espertu de s'amparu de is deretos umanos e fundadore de sa Tzèlula de Casteddu de s'Assòtziu Luca Coscioni.

Su 30 santandria est istadu seberadu comentu a die sìmbulu de sa Die in ammentu de sa prima bia in cale un'Istadu, su Granducadu de Toscana, in su 1786, aiat detzìdidu de no ochire nen torturare prus nemos in nùmene de sa lege e de sa giustìtzia. Una ricorrèntzia ùtile a tènnere arta s'atentzione subra de is deretos umanos e subra de su balore de sa vida. Pro custu s'Amministrazione de Quartu at detzìdidu de aderire a sa Rete de sas 'Tzitades pro sa vida, tzitade contra sa pena de morte' promòvida dae sa comunidade de Santu Egidio, impinnendeddi ca siant assegurados ispàtzios de adeguada informatzione e sensibilizzazione subra de su tema.

Comente ispiegat s'Assessora a su Pùblicu Annestru Cinzia Carta: "Sa de oe est una die de sensibilizatzione chi apamus chertu cumpartzire paris cun is iscolas segundàrias de I gradu de sa tzitade, e duncas pitzocos medas de is iscolas mèdias chi sunt ammustrende interessu e fintzas grandu sentidu de tziviltade. Ant traballadu in classe cun is rispetivos dotzentes, chi nois ringratziemus ca nch'ant dadu

disponibilidade meda. Custu addòbiu nch'at a permìtere de cumpartzire riflessiones e pensamentos subra de unu tema importante e delicadu, ca b'at medas tropos Paisos a su mundu chi ancora oe impreant custa pràtica crudele e disumana. Cumpartzire su mengianu cun custos pitzocos, in unu cuntestu diferente de cuddu iscolàsticu, rapresentat un'esperientzia chi retengiamus potzat abarrare imprìmda in sa mente issoro”.

S'Assessora a is Territòrios Urbanos Tiziana Cogoni at fatu is cumplimentos a is pitzocos “pro cantu si sunt ammuistrados interessados a is interventos de is relatores e pro sa cumpetèntzia in s'espressare is puntos issoro de bista in pùblicu. Amus tentu modu de nde faeddare totus paris, dende unu balore a custa ricorrèntzia. Auguro chi una die comente a custa potzat bos èssere de agiudu in su percursu bostru de crèschida e ispero fintzas chi b'apat medas unos àteros addòbios de custu livellu”.

S'abogadu Luchi at chertu giùghere s'esèmpiu de is 4 giòvanos meda piseddos sitzilianos arrestados pro s'ochisura de duos carabinieri in sa tzitadina de Alcamo: “Fiant bènnidos arrestados, praticamente custringtos a cunfessare e cundennados a s'ergàstulu, ma posca retentos innotzentes, bene 36 annos a pustis de s'arrestu. Si b'esseret istada sa pena de morte diant èssere totus mortos, e nemos diat àere iscobertu chi non fiant culpèvoles. Sa pena de morte est fea pro custu e ca a s'amministrare est s'Istadu. S'Istadu non podet falare a su matessi livellu de unu criminale. Aco' ca bisòngiat arribbare a eliminare custa bera e barbàrie pròpia chi est sa pena de morte”.

Pro motivos de salute sa Presidente de su Cussìgiu Rita Murgioni no at pòdidu pigare parte a s'eventu, ma at chertu comente si siat cumpartzire unu messàgiu pro is pitzocos: “Disigiamus unire sa boghe de sa Tzitade de Quartu a su coro de is tzitades medas de su mundu chi in custa die narant no a sa pena de morte. Chèrgio girare un'aplàusu particolare a sa comunidade de Santu Egidio pro nch'àere propostu s'adesione, aprovada a s'unanimitate de su Cussìgiu Comunale, e pro s'aficu tzivile chi in custos annos tenet profuso in custa campagna de livellu mundiale. Una sotziedade evòlvida e globalizada comente a sa nostra tenet su dovere de fàghere de totu pro fàghere sessare sa pena de morte in totu is Paisos ue est ancora in èssere. Petzi si nos amus a adobbare pro custu nos amus a pòdere cunsiderare una sotziedade tzivile”.

A forte conchinada de sa netzessidade de fàghere intèndere sa boghe quartese fintzas sa Presidente de sa Cummissione Pùblica Annestru Ketty Giua: “Cherimus aviare unu ‘aiat contagiadu de sensibilidade, pro chi bèngiant tutelados is deretos umanos basilaes e sa vida de ogni persone, sena rinunziare a sa giustìtzia. Su matessi Papa Francesco at cumbidadu totus, non petzi is cristianos, a cumprendere pro difùndere una cultura contrària a sa gherra e a sa pena de mortas, definida una medida disumana chi umiliat sa dignidade personale e viola su deretu a sa vida. Si tratat difatis de una punizione crudele e

inumana chi no at mai dimustradu su balore suo deterrente e non dat in manera netzessària cunfortu a is familiares de sa vītima; in prus diat pòdere fintzas èssere un'errore giuditziàriu. Pro custu est importante si fàghere intèndere e est galu prus significativu ddu fatzant is giòvanos”. Subra de sa matessi linia de unda sa Vitzepresidente Laura Perra: “Sa pena de mortas ancora oe est praticada in bene 58 Istados, in sa majore ala de is casos si tratat de Istados retos de regìmenes ditatoriales, ma a dolu mannu est presente fintzas in Paisos democràticos. Ma a prescìndere de is logos ue est ancora aplicada, oe interessat rilevare cales funtziones si potzat ancora atribuire a s'ucisione de un'indivìduu de s'ghida a una cundenna. Unu cale si cherzat tribunale de su mundu oe non diat dèvere persighire finalidade de vindita ma prusaprestu de giusta pena. Est un'atu de violèntzia de s'Istadu contra unu tzitadinu, mentras imbetzes cale si chi siat penat devet tènnere fine rieducativo, dende a su reu sa possibilitade de redimersi”.

Sunt posca intervènnidos diversos pitzocos, in rapresentàntzia de is vārios istitutos iscolàsticos interessados. Presentes istudiantes de is classes de bia Turati, bia Tiziano, bia Bach e bia Is Pardinias, chi ant espressadu su parre issoro, is riflessiones issoro, tzitende intelletuales de su passadu, de Dante Alighieri a Cesare Beccaria, sutaliniende s'importu de dare a is culpèvoles sa possibilitade de si pentire de is errores cummìtidos e bortare pàgina, cumbidende galu de prus a sa riflessione cun una sèrie de pregontas retòricas subra de sa temàtica.

Su mengianu s'est concruida in su chiostru de s'Ex Cunventu, cun su làntziu de medas palloncinos biodegradabilis colorados, acontèssidu in cuntemporànea fintzas in is plessis iscolàsticos vārios, e cun su sonu de is campanas de totu is crèsias tzitadinas. Una conchinada presa de positzione a banda de is giòvanas generatziones quartesi, unu coro unànime pro nàrrere unu paragone no a sa pena de morte.